

水
经
注
释

水經注釋

水經注釋卷三

齊川等雨橫隔
關隘氏重校

仁和趙一清誠夫錄

河水三

河水又北過北地富平縣西

河側有兩山相對水出其間即上河峽也世謂之為青

山峽河水歷峽北注枝分東出

一清按太平寰宇記慶州樂蟠縣馬嶺山俗名

箭箐嶺與青山相連互有馬嶺坂左右帶川相傳漢之

牧地也有水出縣西北注水經云與青山水合今本無

之樂蟠縣漢北地郡富平縣地章懷後漢書注云青山

在北地參綠界青山中水所出也續志北地郡參綠縣

故屬安定有青山馬

嶺水亦見補附洛水河水又北逕富平縣故城西秦置

北部都尉治縣城

一清按漢志北地郡富平縣北部都尉治神泉障云治在障則非縣城矣

道元誤也王莽名郡爲威戎縣曰持武建武中曹鳳字仲理

爲北地太守政化尤異黃龍應于九里谷高岡亭角長

三尺大十圍稍至十餘丈天子嘉之賜帛百匹加秩中

二千石河水又北逕薄骨律鎮城城在河渚上赫連果

城也桑果餘林仍列州上但語出戎方不究城名訪諸

耆舊咸言故老宿彥云赫連之世有駿馬死此取馬色

以爲邑號故目城爲白口騶韻轉之謬遂仍今稱所未

詳也一清按漢志北地郡靈洲縣有河奇苑號非苑師古曰苑謂馬牧也水中有可居者曰洲此地

在河之洲隨水高下未嘗淪沒故號靈洲又曰河奇也二苑

皆在北焉方輿紀要漢靈洲縣其後赫連夏據其地後魏主燾滅之太延二年置薄骨律鎮在河渚上孝昌中縣南六十里

縣南六十里溉田一千餘頃迴樂縣即漢富平縣地

河水又北逕朔方郡宏靜鎮典農城東一清按太平寰宇記引此注作

宏靜縣非也隋圖經云宏靜縣本漢城居河外三里乃舊傳薄骨律鎮倉城也後魏立宏靜鎮徙關東漢人以

充屯田則縣是周世謂之胡城又北逕上河城東世謂

之漢城薛瓚曰上河在西河富平縣即此也馮參為上

河典農都尉所治也厄林曰漢書馮參為上河農都尉百官表曰農都尉武帝置後漢百

官志武帝時邊郡置農都尉主屯田殖穀建武六年邊郡往往置都尉注引漢官儀曰農都尉不治民鄙覽引

魏畧曰曹公置典農中郎將秩二千石典農都尉秩六百石典農校尉秩比二千石然則漢官無典字至當塗

始更耳水經及注作典農皆非梁統傳光武拜梁騰酒

泉典農都尉蔚宗亦誤一清按續志注農都尉以下無

漢官儀一條而御覽所引魏畧之文則見于大司農之下

作魏志也然愚竊有疑者裴世期注三國志引先賢

行狀云陶謙表陳登爲典農校尉則在曹氏之先
已有典農之稱矣此與卮林所引范書可參證也

河水

又北逕典農城東俗名之爲呂城皆參所屯以事農屯

河水又東北逕廉縣故城東王莽之西河亭地理志曰卑

移山在西北河水又北與枝津合水受大河東北逕富

平城所在分裂以溉田圃北流入河今無水爾雅曰灇

反入言河決復入者也河之有灇若漢之有潛也河水

又東北逕渾懷障西地理志曰渾懷都尉治塞外者也

一清按漢志北地郡富平縣
渾懷都尉治塞外渾懷障

太和初三齊平徙歷下民

居此遂有歷城之名矣南去北地三百里河水又東北

歷石崖山西去北地五百里山石之上自然有文盡若

獸馬之狀粲然成著類似圖焉故亦謂之畫石山也

又北過朔方臨戎縣西

河水東北逕三封縣故城東漢武帝元狩三年置十三

州志曰在臨戎縣西一百三十里河水又北逕臨戎縣

故城西漢元朔五年立舊朔方郡治

一清按續志云凡縣名先書者卽所

治也此是東漢郡治

王莽之所謂推武也河水又北有枝渠東出

謂之銅口東逕沃壑縣故城南漢武帝元狩三年立王

莽之綏武也枝渠東注以溉田所謂智通在我矣河水

又北屈而爲屠申澤南河出焉河水又北迤西溢於窰

渾縣故城東漢武帝元朔二年開朔方郡以縣爲西部

都尉治有道自縣西北出雞鹿塞王莽更郡曰溝搜縣
曰極武其水積而爲屠申澤澤東西一百二十里故地
理志曰屠申澤在縣東卽是澤也闌駟謂之涖渾澤矣
屈從縣北流

河水又屈而東流爲北河東逕高闕南史記趙武靈王
旣襲胡服自代並陰山下至高闕爲塞山下有長城長
城之際連山刺天其山中斷兩岸雙闕峩然雲舉望若
闕焉卽狀表目故有高闕之名也自闕北出荒中關口
有城跨山結局謂之高闕戍上古迄今常置重捍以防

塞道漢元明四年衛青將十萬人敗右賢王于高闕卽
此處也可水又東逕歸丁系文

此處也河水又東逕臨河縣故城北漢武帝元朔三年

封代恭王子劉賢爲侯國

全氏曰代共王子皆封西河此或是西河之臨水縣一清

按西河近代宜是也而史漢表俱作臨河

王莽之監河也漢武帝元朔二年

大將軍衛青絕梓嶺梁北河是也

至河日縣西

河水自臨河縣東逕陽山南漢書注曰陽山在河北指

此山也東流逕石跡阜西是阜破石之文悉有鹿馬之

跡故斯阜納稱焉南屈逕河日縣在北假中地名也自

高闕以東夾山帶河陽山以西皆北假也史記曰秦使

蒙恬將十萬人北擊胡渡河取高闕據陽山北假中是

也北河又南合南河上承西河東逕臨戎縣故城北又東逕臨河縣南又東逕廣牧縣故城北有東部都尉治王莽之鹽官也逕流二百許里東會於河河水又南逕馬陰山西漢書音義曰陽山在河北陰山在河南謂是山也而卽實不在河南史記音義曰五原安陽縣北有馬陰山今山在縣北言陰山在河南又傳疑之非也余按南河北河及安陽縣以南悉沙阜耳無他異山故廣志曰朔方郡北移沙七所而無山以擬之是義志之僻也陰山在河東南則可矣河水又東南逕朔方縣故城

東北時所謂成波朔方也漢元朔二年大將軍衛青取河南地爲朔方郡吏父未建元月

河南地爲朔方郡使校尉蘇建築朔方城卽此城也王莽

以爲武符者也

一清按寰宇記夏州朔方縣下引水經注曰有濠水合金河而南流初學記引

水經注云朔方郡有濠水紫河今本無之陝西行都司

志曰高居誨使于闐記云甘州西五百里至肅州渡金

河西百里出天關是也方輿紀要云紫河在大同府西

北塞外杜佑曰勝州榆林縣有金河紫河自馬邑郡善

無縣流入境合金河南流入大河魏道武

帝擊劉衛辰自五原金津濟卽金河之津按地理志云

金連鹽澤青鹽澤並在縣南矣又按魏土地記曰縣有

大鹽池其鹽大而青白名曰青鹽又名戎鹽入藥分漢

置典官鹽池去平城宮千二百里在新秦之中服虔曰

新秦地名在北方千里如淳曰長安以北朔方以南也

薛瓚曰秦逐匈奴收河南地徙民以實之謂之新秦也

屈南過五原西安陽縣南

河水自朔方東轉逕渠搜縣故城北地理志曰朔方有

渠搜縣中部都尉治王莽之溝搜亭

一清按今本漢書落亭字也禮

三朝記曰北發渠搜南撫交趾此舉北對南禹貢之所

云析支渠搜矣

禹貢雖指曰傳同叔云陸氏曰漢志朔方郡有渠搜縣武紀云北發渠搜是也

以余考之漢朔方之渠搜非此所謂渠搜此亦當是金城以西之戎也後世種落遷徙故漢有居朔方者若禹時渠搜居朔方則不應浮積石陸說非也按水經河水自朔方東轉逕渠搜縣故城北注云禮三朝記曰北發渠搜南撫交趾此舉北對南禹貢之所云析支渠搜矣誤始道元而陸氏因之大戴禮漢武紀並有三朝記語渠搜與交趾對舉則不在朔方可知涼土異物志曰古渠搜國在大宛北界隋書西域傳曰鏤汗國都葱嶺之西五百餘里古渠搜國可水又逕西安陽縣故城南王莽更之曰章安矣可水又逕西安陽縣故城南王

莽更之曰漳安矣河水東逕田辟城南地理志曰故西
部都尉治也

屈東過九原縣南

河水又東逕成宜縣故城南王莽更曰艾虜也河水又

東逕原亭城南闕駟十三州志曰中部都尉治

一清按原亭今

本漢書作原高疑彼文爲誤蓋中部治原亭西部治田
辟辟與壁同城障之名二語皆孟堅自註道元不應一
引班書一引闕志也似十三州志曰下別有闕語而今缺失矣河水又東逕宜梁縣之

故城南闕駟曰五原西南六十里今世謂之石崖城河

水又東逕稠陽城南東部都尉治

一清按漢志此語在五原郡下而稠陽縣

下反無之道元注于臨沃縣下重敘河水又東逕稠陽
縣故城南一地而再見豈別是一城耶殆不可曉也

又東逕河陰縣故城北又東逕九原縣故城南秦始皇
置九原郡治此漢武帝元朔二年更名五原也王莽之
獲降郡成平縣矣西北接對一城蓋五原縣之故城也
王莽之填河亭也竹書紀年云魏襄王十七年邯鄲命
吏大夫奴遷于九原又命將軍大夫適子戌吏皆貉服
矣其城南面長河北背連山秦始皇逐匈奴並河以東
屬之陶山築亭障爲河上塞徐廣史記音義曰陶山在
五原北卽此山也一清按史記始皇紀云西北斥逐匈奴自榆中並河以東屬之陰山以爲
三十四縣城河上爲塞徐廣曰陰山在五原北蒙恬傳
云于是渡河據陽山徐廣曰五原西安陽縣北有陰山
陰山在河南陽山在河北此陶山似是陰山之誤始皇

不在河南既于史記之文無碍陰陶字形相似故耳非
別有一陶山也劉向七畧古文或誤以見爲典以陶爲
陰如此全氏曰史記年表是三十三年起自臨洮東暨
類多

遼海西並陰山築長城及開南越地晝警夜作民勞怨
苦故楊泉物理論曰秦始皇使蒙恬築長城死者相屬
民歌曰生男慎勿舉生女哺用哺不見長城下尸骸相
支拄其冤痛如此矣蒙恬臨死曰夫起臨洮屬遼東城
塹萬餘里不能不絕地脈此固當死也

又東過臨沃縣南

王莽之振武也河水又東枝津出焉河水又東流石門
水南注之水出石門山地理志曰北出石門障卽此山

也西北趣光祿城

一清按漢志五原郡稭陽縣北出石門障得光祿城又西北得支龍城又

西北得頭曼城又西北得寧河城又西北得宿虜城

甘露三年呼韓邪單于還詔

遣長樂衛尉高昌侯董忠車騎都尉韓昌等將萬六千

騎送單于居幕南保光祿徐自爲所築城也故城得其

名矣城東北卽懷朔鎮城也其水自障東南流逕臨沃

城東東南注於河河水又東逕稭陽縣故城南王莽之

固陰也地理志曰自縣北出石門障河水決其西南隅

又東南枝津注焉水上承大河於臨沃縣東流七十里

北漑田南流二十里注於河河水又東逕塞泉城南而

又東過雲中槿陵縣南又東過沙南縣北從縣東屈南過沙陵縣西

大河東逕咸陽縣故城南王莽之賁武也河水屈而流白渠水注之水出塞外西逕定襄武進縣故城北西部都尉治王莽更名伐蠻世祖建武中封趙慮爲侯國也白渠水西北逕成樂固北郡國志曰成樂故屬定襄也魏土地記曰雲中城東八十里有成樂城今雲中郡治一名石盧城也白渠水又西逕魏雲中宮南魏土地記曰雲中宮在雲中縣故城東四十里白渠水又西南逕雲中縣故城南故趙地虞氏記云趙武侯自五原河曲